



## Agencija za bankarstvo Federacije Bosne i Hercegovine objavljuje

### JAVNI OGLAS za prijem radnika u radni odnos na neodređeno vrijeme

Raspisuje se javni oglas za prijem radnika u radni odnos na radno mjesto:

Stručni saradnik – kontrolor za informacione sisteme u Odjelu za kontrolu informacionih sistema u Sektoru specijalističkog nadzora, 1 (jedan) izvršilac, sa probnim radom u trajanju od 6 mjeseci.

#### I OPIS POSLOVA

Opis primarnih obaveza i odgovornosti poslova radnog mjesta Stručni saradnik - kontrolor za informacione sistema u Odjelu za kontrolu informacionih sistema u Sektoru specijalističkog nadzora su:

- a) učestvuje u posrednom i neposrednom nadzoru subjekata bankarskog sistema iz nadležnosti Odjela, u segmentu upravljanja informacionim sistemima, što uključuje učešće u prezentiranju subjektima bankarskog sistema nalaza neposredne kontrole, sačinjavanje zapisnika o izvršenoj kontroli u dijelu koji se odnosi na kontrolisano područje, učestvuje u odgovoru subjektu bankarskog sistema na prigovor na zapisnik i izradi rješenja i drugih kontrolnih i postkontrolnih akata, te učestvuje u postkontrolnom postupku izvršenja naloženih mjera;
- b) učestvuje u pripremi preporuka i mjera radi otklanjanja utvrđenih nezakonitosti i/ili nepravilnosti u upravljanju informacionim sistemima subjekata bankarskog sistema;
- c) učestvuje u praćenju izvršenja naloga na osnovu dostavljene dokumentacije posrednog nadzora;
- d) pregleda i dostavlja mišljenje Odjelu za licenciranje u vezi ispunjavanja uslova za obavljanje eksternih revizija informacionih sistema;
- e) učestvuje u pregledu i analizi dokumentacije subjekata bankarskog sistema koja se odnosi na eksteralizaciju aktivnosti vezanih uz informacione sisteme;
- f) učestvuje u pregledu i analizi eksternih revizorskih izvještaja o informacionim sistemima;
- g) vrši kontrolu propisanih izvještaja koje su subjekti bankarskog sistema dužni dostavljati Agenciji i učestvuje u analizi propisanih izvještaja i prati napretke u upravljanju informacionim sistemima i eksteralizacijom subjekata bankarskog sistema;
- h) konstantno se usavršava u oblasti nadzora i supervizije upravljanja informacionim sistemima i eksteralizacijom i
- i) Obavlja i druge poslove po nalogu rukovodioca Odjela.

#### II USLOVI ZA RADNO MJESTO

Pored općih uslova propisanih Zakonom o radu FBiH, kandidati moraju ispunjavati i posebne uslove za zasnivanje radnog odnosa, i to: VII stepen stručne spreme informacionog, ekonomskog, matematičkog (fizika) ili elektrotehničkog smjera, odnosno visoko obrazovanje Bolonjskog sistema studiranja koje se vrednuje sa 240 ECTS bodova, 2 godine radnog iskustva na istim ili sličnim poslovima, posebna znanja

iz oblasti kontrole subjekata bankarskog sistema za informacioni sistem i računarskih tehnologija, aktivno znanje engleskog jezika, poznavanje rada na računaru.

### III POTREBNI DOKUMENTI

Kandidati su dužni uz potpisanu prijavu i biografiju sa kontakt podacima, dostaviti ovjerene kopije sljedeće dokumentacije:

- diploma o završenom odgovarajućem obrazovanju,
- dokaz o radnom iskustvu, sa opisom poslova koje kandidat obavlja/ je obavljao kod poslodavca/poslodavaca.

Kandidat koji bude primljen na radno mjesto, prije zasnivanja radnog odnosa dužan će biti dostaviti dokumente potrebne za zasnivanje radnog odnosa u skladu sa internim aktima Agencije, uključujući i ljekarsko uvjerenje o općoj zdravstvenoj/radnoj sposobnosti.

### IV NAČIN DOSTAVLJANJA PRIJAVE

Prijava na konkurs sa traženom dokumentacijom može se dostaviti na adresu Agencije za bankarstvo Federacije BiH, ul. Zmaja od Bosne 47 b, 71000 Sarajevo, sa naznakom: „Stručni saradnik-kontrolor za informacione sisteme u Odjelu za kontrolu informacionih sistema Sektora specijalističkog nadzora - ne otvarati“.

Dostavljena dokumentacija se neće vraćati.

### V OSTALE NAPOMENE

Kandidati koji ispunjavaju opće i posebne uslove tražene javnim oglasom biti će pozvani na pismeni ispit, a kandidati koji polože pismeni ispit, te uđu u uži izbor, biti će pozvani na usmeni ispit.

*Neuredne, nepotpune i neblagovremene prijave se neće uzeti u razmatranje u skladu sa Uredbom o postupku prijema u radni odnos u javnom sektoru u Federaciji Bosne i Hercegovine („Službene novine Federacije BiH“ broj 13/19, 9/21 i 53/21).*

*Konkurs ostaje otvoren 15 dana od dana objavljivanja*

